

ՃՄԻՆԻ (ԱԼԹԻՆ ԹԵՓԵ) ՊԵՂՈՒՄՆԵՐԸ
(ԱՐԵՎԵՐԿԱՆ ՀԱՅԱՍՏԱՆԻ ԽՈՐԱԿՐՈՒԹՅԱՆ ԵՎ ԶԱՆԿԱՆԵՐԸ)

Պատմ. գիտ. դոկտոր Ս. Ա. ԵՍԱՅԱՆ, Լ. Վ. ԱՐԱՋՅԱՆ

Ճմինի ամրոցը գտնվում է պատմական Հայաստանի Բարձր Հայք նահանգի Եկեղյաց գավառում, Ճմինից 4 կմ հարավ և 26 կմ Երզնկայից արևելք¹։ Այն տեղադրված է մոտ 60 մ բարձրություն և 20 մ երկարություն ունեցող բլրի գագաթին։ Դեռ 1930 թ. պատահական աշխատանքների ժամանակ բացվել է մի դամբարան, որի նյութի զգալի մասը տեղափոխվել է Անկարայի թանգարան։ 1956 թ. բացվում է երկրորդ դամբարանը։ Գտնված նյութը գրավում է դիանթականների ուղադրությունը և 1956 թթ. Օգոստոսի ղեկավարությունը սկսվում են սխտեմատիկ պեղումները, որոնց ժամանակ բացվում են ամրոցի շինությունները և մեծ հետաքրքրություն ներկայացնող դամբարանները։ Ցավոք, պեղումների ընթացքում ամրոցի ուրարտական անվանումը պարզաբանող որևէ արձանագրություն չի գտնվել։ Հայտնաբերված նյութի հիման վրա ամրոցը կոչվել էր Ալթին Թեփե (Ոսկե բլուր)։ Մական մենք նպատակահարմար ենք գտնում հուշարձանը անվանել մոտակա հայկական գյուղի անունով, այն է՝ Ճմին։

Հարկ է նշել, որ Ճմինն իր ճարտարապետությամբ և հնագիտական նյութով մեծապես նպաստեց ուրարտական ճարտարապետության և արվեստի ուսումնասիրությանը։ Բացի թ. Օգոստոսից, որը հրատարակել է երկհատոր աշխատություն և բազմաթիվ հոդվածներ, մի շարք գիտնականներ, ինչպիսիք են Վ. Կլեյսը, Թ. Ֆորբսը և այլք, իրենց աշխատություններում² անդրադարձել են Ճմինի պաշտպանական, պալատական և տաճարային համալիրի ճարտարապետությանը։

Ն. Ակուրգալի, Մ. Ն. վան Լունի, Հ. Հ. Ֆոն դեր Օսթենի, Թ. Դ. Բարնետի, Ֆ. Սթեյնհերի աշխատություններում³ մեծ տեղ են գրավում Ճմինի որմնակարչությունն ու մյուս հարուստ նյութերը, որոնցից շատերը արվեստի բարձրագույն նմուշներ են։ Ցավոք, պետք է նշել, որ այս հուշարձանի թուրքերեն ու եվրոպական մի շարք լեզուներով հրատարակված գրականությունը մեզ մոտ բավարար չափով չի լուսաբանված։ Հայերեն և ռուսերեն աշխատություններում նշվում են միայն ճարտարապետությանն ու հնագիտական նյութին առնչվող որոշ հարցեր և չկա մի ամփոփ աշխատություն,

¹ Гр. А. Капанцян. Хайаса—колыбель армян. Ереван, 1947, с. 101.

² W. Kleiss. Zur Rekonstruktion des urartaischen Temples (Istanbuler Mitteilungen), 1963, (1964); Th. Forbes. The Urartian Architecture, London, 1983.

³ E. A. Kurgal. Urartäische und Altiranische Kunstzertren. Ankara, 1968; M. N. van Loon. Urartian Art its distinctive traits in the light of new excavations. Istanbul, 1966; H. H. von der Osten. Neue urartäische Bronzen aus Erzincan (VI Int. kongress für Arch., 1939), Berlin, 1940; P. D. Barnett and N. Göçke. The Find of Urartian Bronzes at Altintepe near Erzincan.—Anatolian Studies 3, 1953; F. Steinherr. Die Urartäische Bronzen von Altintepe.—Anatolia 3, 1958.

որը թույլ տար լրիվ պատկերացնել այս վերին աստիճանի հետաքրքիր հուշարձանը:

Սույն հոգվածում փորձ է արվում հրատարակված գրականության օգնությամբ նկարագրել և մեկնաբանել Ճմինի հարուստ ճարտարապետությունն ու հնագիտական նյութը, որը, բնականաբար, չի ուղղակիում հոգվածի նեղ սահմաններում նկարագրվածով:

Ամրոցը գրավում է բլրի գագաթը և հայտնի է առավելապես տաճարի, սյունազարդ դահլիճի և ներքին կառույցների շնորհիվ: Ինչ վերաբերում է պաշտպանական կառույցներին, ապա դրանք քիչ են ուսումնասիրված և չեն նշվում հրատարակված հատակագծում: Չորքսը, որ ուսումնասիրել է ուրարտական ճարտարապետությունը, նշում է, որ ամրոցի պաշտպանական պարիսպները երկդրահանի են, երկու կողմից դրված, հսկայական, մինչև 40 տ ծանրությամբ քարե զանգվածների միջուկը լցված է քարահողային լիցքով: Ինչպես տեսնում ենք, այս տեսնական ավելի բնորոշ է հին կիկլոպյան ամրոցաշինությանը և վկայում է, որ մ. թ. ա. VIII դարում Բիայնական թագավորությունում շարունակվում էին Հայկական լեռնաշխարհի շինարարական ավանդույթները: Պարիսպների քարե հիմքի վրա կառուցվել են 12 մ հաստությամբ հում ավյուսե պատեր, որը կզակի է, քանի որ ուրարտական պարիսպների պատերի հաստությունը տատանվում է 2,5—5 մ միջև: 12 մ հաստությունը, հավանաբար, բացատրվում է պարսպի միաշար լինելով: Պարիսպները ամրացված են իրարից 11 մ հեռավորության վրա տեղադրված ուղղանկյուն որմնահեցերով, որոնք պատերից առաջանում են 1—2,25 մ երկարությամբ: Սա նույնպես ուշագրավ է: Սովորաբար ուրարտական որմնահեցերի լայնությունը 5—7 մ է: Ավելի լավ են պեղված և մանրամասն ուսումնասիրված տաճարը, բակը, պալատական շինությունների մի մասը: Վանի թագավորության մեզ հայտնի տաճարները երկու տիպի են՝ քառակուսի և ուղղանկյուն հատակագծերով: Բակի խորքում տեղադրված տաճարը քառակուսի է, 13,9×13,9 մ չափերով: Ուղղանկյուն հատակագիծ ունեն Արգիշտիի⁴ թի⁵ և էրեբունի⁶ տաճարները, ներքին խնամքի (Կայալի դերե)⁷, Թոփրակ կալեի⁸, Հայկաբերդի⁹, Ազնավուր թեփեի¹⁰ տաճարները ունեն քառակուսի հատակագիծ: Վերոհիշյալ տաճարները կառուցողական մանրամասներում շատ ընդհանուր գծեր ունեն: Սակայն նշենք նաև, որ շնայած հատակագծային տարբերությանը, ճարտարապետական հորինվածքի առումով Ճմինը շատ նման է էրեբունիի խալդի աստծու տաճարին: Երկուսն էլ տաճարի շուրջն ունեն սյունաշար, և ի տարբերություն մյուս տաճարների, որոնք մեծ մասամբ կառուցված են որպես առանձին շինություններ, ընդգրկում են ոչ միայն տաճարը, այլև պալատական շինություններ, գրավելով մեծ տարածք: Հետևաբար, Ճմինը պետք է դիտել որպես «տաճար-պալատ» միավոր:

Տաճարի հիմքը կառուցված է սրբատաշ անդեզիտից, որի վրա պահպանվել են հում աղյուսե պատերը: Տաճարի շորս անկյունները ստեղծում են 0,5 մ որմնահեցեր: Պատերն ունեն 4,35 մ հաստություն, որի հետևանքով ցեղան փոքր է՝ 5,2×5,2 մ: Մուտքի շեմքն ունի երկու աստիճան, որոնց երկու կողմում դրված են մեկական փոքր անցքեր ունեցող սրբա-

⁴ Th. Forbes. Op. cit., p. 21.

⁵ A. A. Мартиросян. Аргештинили. Ереван, 1967, с. 86.

⁶ К. Л. Оганесян. Эребуни. Ереван, 1980, с. 50, 62.

⁷ C. A. Burney. A First season of excavations at the Urartian Citadel of Kayalidere.—Anatolian Studies, 16, 1966, p. 69, 69.

⁸ Th. Forbes. Op. cit., p. 81.

⁹ A. Erzen. Cavustepe, Ankara, 1983, S. 7.

¹⁰ Th. Forbes. Op. cit., p. 78.

տաշ քարե սալեր: Այս անցքերում, հավանաբար, դրվել են նիզակներ¹¹, խորհրդանշելով աստծուն, որին ձոնվել է տաճարը:

Մուտքի տանիքը ըստ Ք. Օզգյուչի եղել է երկթեք¹²: 1,5 մ լայնությամբ և 3,8 մ երկարությամբ միջանցքը տաճարի մուտքը կապում է Ցեղլայի հետ: Ցեղլայի հատակը կավածեփի է և հնարավոր է, որ հնում այն ծածկված է եղել խսիրով կամ գորգով:

Բոլոր պատերի տակ պահպանվել է նեղ սրբատաշ քարից կառուցված նստարան: Ցեղլայի խորքում գտնվում է 1,9×1,45 մ քարե պատվանդան¹³, Հաշվի առնելով պատվանդանի չափերը, կարելի է ենթադրել, որ նրա վրա դրված աստծու արձանը, հավանաբար, մեծ ծավալ է ունեցել: Պատվանդաններ պահպանվել են նաև բիսանական այլ հուշարձաններում՝ Ներքին ինքն-ձորում, էրեբունիում, Թոփրակ կալեում և այլուր: Սակայն դրանցից ոչ մեկում, ինչպես և Ճմիխում, արձաններ չեն գտնվել: Պատվանդանի դիմաց՝ հատակին, գտնվել են երկու երկաթե և երկու բրոնզե գալխոնի գլխիկներ, նետասլաքներ¹⁴ և այլ իրեր:

Ցեղլայի պատերը պահպանվել են 1,15 մ բարձրությամբ: Հում աղյուսը ծածկվել է սվաղի հաստ շերտով, որի վրա պահպանվել են ուրարտական ավանդական դույներով (կարմիր, կապույտ, սպիտակ, սև, դարչնագույն) պատկերված երկրաչափական և բուսական զարդամոտիվներ: Որևէ արձանագրություն տաճարի անվան վերաբերյալ չի պահպանվել, սակայն տաճարում և սյունաշարի տարածքում գտնված նյութը կարող է լույս սփռել այս հարցի վրա: Այսպես, տաճարի մուտքի երկու սալերում, ինչպես արդեն վերը նշվեց, տեղադրված են եղել նիզակներ: Մուտքի մոտ գտնվել են նաև վահաններ, պատվանդանի դիմաց՝ գալխոնի գլխիկներ, նետասլաքներ, հարավային սյունաշարի տարածքում՝ սաղավարտներ, վահաններ և այլն: Այս բոլոր իրերը անմիջականորեն կապվում են ուրարտական պանթեոնի գլխավոր աստված Խալդիի երկրպագության հետ և կարելի է համոզված ասել, որ տաճարը ձոնված է եղել Խալդիին: Նվիրական վահաններ, սաղավարտներ, կապարճներ և այլ իրեր մեծ թվով գտնվել են Կարմիր բլուրում¹⁵, որտեղ նրանք տեղափոխվել են էրեբունիի Խալդի աստծու տաճարից: Մուսասիրի տաճարի արտաքին պատերին նույնպես պատկերված են վահաններ, իսկ տանիքին՝ նիզակ: Ինչ վերաբերում է նրա ներքին հարդարանքին, ապա Սարգոն II-ի տեղեկությունների համաձայն, այստեղ նույնպես եղել են բազմաթիվ վահաններ¹⁶:

Տաճարը, որը տեղադրված է ընդարձակ, 27×27 մ չափով բակի խորքում, չորս կողմից շրջապատված է սյունաշարով: Պահպանվել են 0,2 մ բարձրությամբ և 0,7 մ տրամագծով քսան սրբատաշ սյունախարիսխ, որոնց վրա դրվել են 4,5 մ բարձրությամբ փայտե սյուներ¹⁷ պահելով հեծանային ծածկը: Սյունաշարի հատակը սալապատված է մանր քարերով: Հարավային սյունաշարի հատակը պեղելիս գտնվել են բրոնզե սաղավարտներ, վահաններ, երկաթե ու բրոնզե նիզակներ, փղոսկրե իրեր և հավանաբար կահույքին պատկանող ոսկու բարակ թիթեղներ, սեղան՝ երեք բրոնզե ոտքերով և դռան բրոնզե շղթա¹⁸:

¹¹ Նույն տեղում:

¹² T. Özgüç. The Urartian Architecture on the summit of Ahtintepe.—Anatolia vol 7, 1963 p. 46.

¹³ T. Özgüç. Ahtintepe. Mimarlık Anıtları ve Duvar Resimleri—Architectural Monuments and Wall Paintings.—Türk Tarih Kurumu Basımevi Ankara, 1966, p. 41.

¹⁴ T. Özgüç. Ahtintepe I, p. 41.

¹⁵ Б. Б. Пиотровский. Кармир Блур II. Ереван, 1952 с. 62.

¹⁶ Б. Б. Пиотровский. Искусство Урарту. Л., 1962, с. 36.

¹⁷ T. Özgüç. Ahtintepe I, p. 39.

¹⁸ Նույն տեղում, էջ 42:

Ընդարձակ բակը ընդ որում կողմերից շրջապատված է 2,5 մ հաստությամբ պատերով: Այստեղ դռնվել են երեք զոհասեղաններ: Գլխավորը՝ տաճարի մուտքի դիմաց, երկրորդը՝ բակի մուտքի դիմաց և երրորդը՝ տաճարի հետևի մասում: Կարելի է ենթադրել, որ ցելլայում կատարվել են հաղորդություն և այլ արարողություններ, իսկ զոհաբերությունը կատարվել է բակում, այդ պատճառով տարօրինակ է, որ արյունը բակից դուրս բերելու համար ցածաքուրդային խողովակ չի դնվել:

Անկասկած, կրոնածիսական նշանակություն ունեին նաև բակի արևմտյան մասում տեղադրված երեք ուղղանկյուն սենյակները ($6,5 \times 5,6$, $5 \times 14,5$, $6,5 \times 5$ մ չափերով): Նրանք իրար միացած են դռներով և միայն մեկ կենտրոնական դռնով միանում են բակին: $0,3$ մ բարձրությամբ պահպանված պատերը ծածկված են սվաղով ու որմնանկարների բեկորներով:

Դեպի արևմուտք պեղվել են պալատական համալիրին պատկանող տարբեր շփերի չորս սենյակ, որոնք ամենայն հավանականությամբ կապված են եղել երկրորդ, բաց բակի հետ:

Ցամաքուրդային խողովակներ գտնվել են միայն համալիրի արևմտյան մասում: Դրանք երկարավուն, սրբատաշ, կիպ դրված քարե պայտածև կիսախողովակներ են, որոնց միացման տեղերը լցված են կավով¹⁹: Հատակի առկա տեղադրված այս խողովակները ծածկված են կոպտատաշ քարերով: Ցամաքուրդային երկրորդ համակարգը գտնվում է արևմտյան սյունաշարի տակ: Սրանք ուղղանկյուն են, ավելի լայն և նույնպես ծածկված են քարերով: Ցամաքուրդային խողովակներ գտնվել են Արին Ռերդում և Կարմիր բլուրի ամրոցի սենյակներում:

Տաճարի ամրոցի արևելյան մասը դեռ չի պեղվել, բայց երևում է, որ այն չի պահպանվել, քանի որ ընկած է շինարարական երկրորդ փուլի ժամանակ կառուցված բազմասյուն դահլիճի (հին պարսկերեն «ապադանա») տակ:

Ըստ Թ. Օզգյուլի, բիսյանցիների գլխավոր նպատակը համաշխարհային ճարտարապետության մեջ բազմասյուն դահլիճներն են²⁰: Սակայն Թ. Ֆորբսը կասկածի առկա է առնում այս կարծիքը, հենվելով այն փաստի վրա, որ ուրարտական բազմասյուն միակ դահլիճը գտնվել է Ճմինում, ինչ վերաբերում է էրեբունիի դահլիճին, ապա ինչպես հայտնի է, այն ավելի ուշ՝ աքեմենյան շրջանի վերակազմություն է²¹, Հիմք ընդունելով տեղում գտնված բազմազույն խեցեղենը, որը կարելի է թվագրել ավելի ուշ շրջանով²², և այն, որ կառուցը ասիմետրիկ է (ինչը բնորոշ չէ ուրարտական ճարտարապետությանը) և տեղադրված լինելով համալիրի հարավ-արևելյան մասում բարձրանում է և փաստորեն ծածկում տաճարը, Թ. Ֆորբսը ենթադրում է, որ բազմասյուն այս դահլիճը ուրարտական չէ: Թերեմ հնարավոր լինել համաձայնվել Թ. Ֆորբսի այս կարծիքի հետ, եթե դահլիճի պատերը նկարագրողված չլինեին բնորոշ ուրարտական զարդամոտիվներով, որոնք ավելի ուշ շրջանով հնարավոր չէ թվագրել: Այդ պատճառով մենք համամիտ ենք Թ. Օզգյուլի այն կարծիքին, որ Ալթին թեփեի բազմասյուն դահլիճը նման դահլիճների առաջին օրինակն է, որն ուրարտական ճարտարապետության մի շարք այլ տարրերի հետ ներմուծվել է աքեմենյան շրջանի ճարտարապետության մեջ և հայտնի է «ապադանա» անվամբ:

Ճմինի ապադանան ուղղանկյուն, $44 \times 25,3$ մ ներքին չափերով շինություն է, երեք մետր հաստությամբ պատերով: Մուտքն ու կից կառույցները տեղադրված են արևելյան կողմում: 18 սյունախարխուլները (երեք շարքում

¹⁹ Նույն տեղում, էջ 43:

²⁰ Նույն տեղում, էջ 44:

²¹ К. Л. Оганесян. Указ. соч., с. 61.

²² К. Emre. The Urartian pottery from Allintepe. — *Beleten*, 131. 1969, p. 279.

վեցական) ունեն 1,5 մ տրամագիծ: Տանիքը հարթ է: Դահլիճի հատակը կավածեփ է: Բացառությամբ մի քանի ոսկու բեկորների ու դահլիճի հյուսիս-արևելյան մասում տեղադրված օջախի, որն էլ այլ նյութ այստեղ չի գտնվել: Դահլիճի արևելյան մասում կա երեք սենյակ, որոնցից կենտրոնականը դուրս է գալիս բակ: Հավանաբար սրանք իրար միանում են ներքին դռներով, ինչպես բակի արևմտյան մասում կառուցված սենյակները: Այս սենյակների պատերը ծածկված են որմնանկարներով, որոնք կրկնում են ապագանայի որմնանկարները: Բակում գտնված հինգ սյունակաբարձի սխեմները վկայում են այն մասին, որ ապագանայի բակում եղել է սյունաշար:

Ճմիրի բոլոր կառույցները ունեն շինարարական երկու փուլ: Տաճարային համալիրը կառուցվել է առաջին փուլում, իսկ ապագանան՝ երկրորդ: Հնդ որում նրանց միջև ընկած ժամանակահատվածը մեծ չէ: Դատելով նյութից, ըստ երևույթին առաջին փուլը համապատասխանել է մ. թ. ա. VIII դարի I կեսին, իսկ ապագանան՝ մ. թ. ա. VII դարի սկզբին:

Ուրարտական ամրոցների մեծ մասի կործանումը ուղեկցվել է մեծամասշտաբ հրդեհներով: Ինչ վերաբերում է Ալթին թեփին, ապա այն կործանվել է երկրաշարժից: Այդ իսկ պատճառով այլ հուշարձաններում սենյակները հարդարող որմնանկարները հրդեհի ժամանակ կարծրացել են և պահպանվել են իրենց տեղերում: Իսկ Ճմիրում ընկած են անկանոն և ներքանց հնարավոր լրիվ վերականգնումը կապված է որոշ բարդությունների հետ:

Ուրարտական մոնումենտալ արվեստի լավագույն նմուշները գտնվել են էրեբունիում: Որմնանկարները, որոնք գտնվել են Կարմիր բլուրում, Ազնավուր թեփում, Հայկաբերդում պահպանվել են բեկորային վիճակում: Այս առումով Ճմիրի որմնանկարները թեև նույնպես բարվոք վիճակում չեն, սակայն հնարավորություն են տալիս փոքրիշատե պատկերացնել շինությունների ներքին հարդարանքը:

Պահպանված որմնանկարների մեծ մասը գտնվել է ապագանայում, 1,5—1,6 մ բարձրության վրա: Կարմիր ու կապույտ եզրաշերտից վեր պատկերված է նոնախնձորի պտուղներով դրասանգը: Սրանցից վեր ութ պսակաթերթերով վարդյակներ են: Ի տարբերություն Արին բերդի, որտեղ վարդյակների թերթերը բազմագույն են, Ճմիրում հանդիպում են միագույն՝ սպիտակ կամ կարմիր վարդյակներ: Վարդյակներից վեր թևավոր աստվածների շարքն է: Նրանց գլուխներն ու ոտքերը պատկերված են կողքից, ուսերը և իրանը՝ քառորդ շրջադարձով: Թևերը իջնում են մինչև կոնքերը: Աստվածները կարմիր թիկնոցով ու սպիտակ գոտիով են, ոտքերը ներկված են կարմիր՝ ընդգծելով կոշիկները: Գլխերին ունեն եղջերավոր խուլր: Աստվածները կանգնած են սրբազան ծառի երկու կողմում, մի ձեռքով բռնած ծառի ճյուղը, մյուսով՝ դուլլը: Նման պատկեր կա նաև էրեբունիի որմնանկարներում: Այս երկու հուշարձանների որմնանկարների նմանությունը բացատրվում է ոչ միայն արվեստի մշակված կանոններով ու կրոնական արվեստի պահպանողականությամբ, այլև տարբեր տրաֆարետների օգտագործմամբ, որոնք տարածված են եղել Հին Արևելքի արվեստում²³:

Աստվածների հագուստը նույնպես հետաքրքիր է կրոնածիսական առումով: Ինչպես հայտնի է, խեթական կրոնածիսական արարողությունների ժամանակ մեծ նշանակություն էին տալիս այսպես կոչված «մաքրված» հագուստներին²⁴, որոնք կրում էին արարողությունների կատարող քրմերը, ընդ որում պահպանված տեքստերում հատուկ նշվում են հագուստի կարմիր և սպիտակ գույները, որոնք խեթերի աշխարհընկալմամբ դրականորեն էին

²³ С. А. Есаян. Искусство портретного изображения Урарту.—Историко-филологический журнал, 1982, № 3, с. 184.

²⁴ В. Г. Ардзиева. Ритуалы и мифы Древней Анатолии. М., 1982, с. 53.

ազդում մարդու վրա: Հավանաբար «դրական լիցք» կրող գույները ունեն նաև այլ բացատրություն, որը մեզ հայտնի չէ: Աստվածների պատկերը սրբազան ծառի մոտ կապվում է նոր կյանքի, ծնունդի, բերքատուտության և բարեկեցության հետ: Հետևաբար, կարելի է ենթադրել, որ որմնակարներում պատկերված աստվածների սպիտակ դոտին և կարմիր հագուստները առնչվում են խեթական աշխարհընկալման այս դադափարի հետ:

Հետաքրքիր է նշել նաև այն, որ դեղին, կանաչ, սև գույները խեթերի մոտ համարվում էին բացասական ազդեցության գույներ²⁵, նվ ուրարտական որմնակարներում էլ այս գույները հանդիպում են համեմատաբար քիչ: Կանաչը՝ ծառերի, թփերի, տերևների ընդգծման համար, դեղինը՝ բացառությամբ Ազնավուր թեփեի և Հայկաբերդի, այլ հուշարձաններում մեղ հայտնի չէ: Իհարկե, չի կարելի խեթական արարողությունների և աշխարհընկալման գաղափարները նույնացնել բիայնացիների պատկերացումների հետ, առավել ևս դրավոր աղբյուրների բացակայության դեպքում, բայց չի էլ կարելի մոռանալ, որ Հայկական լեռնաշխարհը բնակեցնող ցեղերը դեռ ուրարտական պետության կազմավորումից էլ վաղ շփվել են խեթերի հետ, նրանցից փոխ են առել սպառողիության որոշ ձևեր, հիերոգլիֆ դրելաձևեր և ընդհանրապես, ունենալով մշակութային սերտ կապեր, կարող էին ունենալ նաև կրոնածիսական և աշխարհընկալման միանման գաղափարներ:

Աստվածներից վեր, կարմիր ֆոնի վրա սևով եզրագծված պատկերված են եղել աշ ոտքերը ծալած ցուլեր և քառակուսիներ: Պահպանվել է ցուլի միայն մեկ պատկեր: Նրա պոչը երկար է, հետևի ոտքերի արանքում: Բաց դարչնագույն իրանի վրա սևով ընդգծված են կողերը: Պոչի, կրծքի մորթին և բաշը արված են մի քանի սև գծիկներով: Այն շատ նման է Արծկեի բարձրաքանդակի ցուլին²⁶, Հավանաբար, ցուլերը պատկերված են եղել քառակուսու երկու կողմերում կանգնած, ինչպես Արիս բերդում, որտեղ հանդիպում են նաև քառակուսու երկու կողմերում կանգնած առյուծներ²⁷:

Գտնվել են սֆինքսներ պատկերող մի քանի բեկորներ, որոնցից վեր կրկնվում են թևավոր աստվածների պատկերները: Հաջորդ աստիճանաձև նախշն է, շատ նման էրբրունիի նույն զարդամոտիվին²⁸: Այս նախշը պատկերված է բաց դարչնագույն ֆոնի վրա, կարմիր ու կապույտ գույների հաջորդականությամբ և շրջապատված է սպիտակ շրջանակների ժապավենով: Ամենավերևում վարդյակներ ու արմավանախշեր են, որոնք հավանաբար ավարտում են ամբողջ պատկերը:

Ապագանայում, բացի վերը նշվածից, գտնվել է նաև որսի տեսարան պատկերող մի քանի բեկոր: 60 սմ բարձրությամբ որմնակարի վրա պատկերված է ծառի մի կողմում դարանակալած առյուծ, մյուսում՝ եղջերու: Մեկ այլ բեկորում առյուծը հարձակվել է եղջերուի վրա: Պարզ երևում են եղջերուի մարմնի մեջ խրված առյուծի ժանիքները և եղջերուի լայն բացված սարսափահար աչքերը՝ ընդգծված սև բիրերով: Առյուծի աչքերը, թաթերը, կնճռոտ քիթը, մկանները արված են մանրամասներով: Համադրելով առյուծի այս պատկերը ուրարտական քանդակի, ինչպես նաև որմնակարի վրա պատկերված ցուլը Արծկեի բարձրաքանդակի ցլի հետ՝ կարելի է համոզվել, որ քանդակի և որմնակարի միջև որևէ ոճական տարբերություն չկա:

²⁵ Նույն տեղում, էջ 211:

²⁶ C. A. Burney and G. R. J. Lawson. Urartian reliefs at Adilcevaz on Lake Van and Rock relief from the Karasu near Bircik.—Anatolian Studies. VIII, 1952, p. 211—216.

²⁷ К. Л. Оганесян. Указ. соч., с. 79.

²⁸ Վ. Հովհաննիսյան. Էրբրունիի որմնակարները. Երևան, 1973, էջ 15:

Տաճարին կից երկու սենյակներում գտնվել են դեմ հանդիման կանգնած սևաբաշ առյուծների, երկու եղջերուի, վարդյակների պատկերներ: Ավելի բարձր պատկերված են իրար հաջորդող բաց դարչնագույն, կարմիր, կապույտ, սպիտակ վարդյակներ, կարմիր հագուստով աստվածներ՝ կանգնած սրբազան ծառի դիմաց: Որմնանկարների առկայությունը այս երկու սենյակներում հաստատում է այն ենթադրությունը, որ այստեղ կատարվել են կրոնածիսական արարողություններ: Նկարագրված սենյակներում ու գահլիճներում, բացառությամբ մի քանի խեցանոթի, հնագիտական նյութ չի գտնվել: Համեմատաբար հարուստ է ցեղայում և սյունաշարում գտնված նյութը: Այսպես, ցեղայում պատվանդանի դիմաց գտնվել են մի քանի երկաթե ու վեց բրոնզե նիզակի ծալքեր, երկաթե նետասլաքներ, երեք կարմիր խեցանոթ, փայտե փորագիր տախտակ, չորս գալիսոնի գլխիկներ: Սյունաշարի տարածքում գտնվել են սաղավարտներ, վահաններ, երկաթե ու բրոնզե նետասլաքներ, փղոսկրից առյուծի, եղջերուի, թևավոր թռչնազուլի գրիֆոնի քանդակներ, ոսկու բարակ թիթեղներ, որոնք հավանաբար պատկանել են կահույքին²⁹: Վերջինից գտնվել է միայն երեք բրոնզե ոտքերով սեղան, որի վրա հավանաբար դրվում էին աստծու արձանիկ, ծիսական անոթներ: Իրերի մեջ գտնվել է նաև 29 օղակներով փոքր (1,90 մ երկարությամբ) շղթա³⁰, որը հավանաբար պատկանել է դռանը և ունեցել կրոնածիսական նշանակություն: Այդպիսի շղթա ուրարտական ողև է հուշարձանում չի գտնվել, սակայն խեթական տեքստերից հայտնի է, որ դռան շղթայի տեղադրության ժամանակ կատարվել են ծիսական արարողություններ և հետագայում էլ զոհեր են մատուցվել շղթային³¹:

Սյունաշարի տարածքում գտնվել են նաև խեցանոթներ, ոսկե գլխիկներով զամեր³²:

Բացի ամրոցից, բլրի հարավ-արևմտյան մասում պեղվել է երեք դամբարան: Դրանցից առաջինն ունի ուղղանկյուն հատակագիծ՝ 9×4,5 մ չափերով՝ ու բաղկացած է երեք դամբարանաբաժաններից: Դամբարանի պատերը կազմող խոշոր սալերի միջանկյալ տարածքը լցված է մանր քարերով: Ներսի կողմից պատերը սրբատաշ են, արտաքինից՝ կոպտատաշ: Մուտքը փակված է եղել խոշոր, ուղղահայաց դրված քարերով: Առաջին և երկրորդ դամբարանաբաժանների մուտքերը դուրս են գալիս դեպի դամբարանի արտաքին՝ 1 մ հաստություն ունեցող պատը: Երկու սրահների միջև եղել է 80 սմ լայնությամբ դուռ, որը փակվել է սալով: Առաջին սրահի լայնական պատերին քարերի մեջ փորված են երկուական, երկայնական պատերին՝ մեկական 44 սմ բարձրությամբ և 42 սմ լայնությամբ որմնախորշեր: Երկրորդ և երրորդ դամբարանաբաժանները միանում են 70 սմ լայնությամբ մուտքով: Ի տարբերություն առաջին սրահի որմնախորշերի, այստեղ դռանք փորված չեն քարերի մեջ, այլ պատից հանված է մի շարվածք՝ ստեղծելով որմնախորշ: Այս սրահի հյուսիս-արևմտյան անկյունում գտնվել է վատ պահպանված փայտե դագաղ մանկան կմախքով³³: Շուրջը գտնված են անոթների բեկորներ և կահույքի մնացորդներ՝ փայտե ոտք՝ ցուլի սմբակի ձևով, որը ծածկված է եղել բրոնզե կամ արծաթե թիթեղով, փայտե դրվագազարդ բեկոր՝ աստիճանաձև բարձրացող ատամներով:

Երեք սրահներից վեր դամբարանի ամբողջ հատակագծով 40 սմ միջին մեծության քարերով, 20 սմ հողով, 20 սմ մանր անդեզիտով և նորից հողով

²⁹ Т. Օзгүç. Altintepe I, p. 42.

³⁰ Նույն տեղում:

³¹ В. Г. Ардзаниб. Указ. соч., с. 15, 82.

³² Т. Օзгүç. Altintepe I, p. 42.

³³ Т. Օзгүç. Altintepe II, Mezarlar, Depo Binasive Fildisi Eserler—Tombs, toreho use and Ivories. Ankara. 1969, p. 66.

հալածարանացված է երկրորդ հարկի հատակը³⁴։ Այստեղ պահպանվել են հում աղյուսե պատերի մնացորդները։ Որևէ նյութ ո՛չ այստեղ, ո՛չ էլ մյուս դամբարանների երկրորդ հարկերում չի պահպանվել։ Կասկած չի հարուցում այն, որ այս դահլիճներում տեղի են ունեցել թաղման ժեսի հետ կապված արարողություններ։ Որևէ կապ դամբարանների մուտքի հետ չի երևում, հետևաբար, նրանք կառուցվել են առանձին մուտքով և թաքցրել դամբարանները։

Երկրորդ դամբարանը կառուցված է քարից, առաջինից մոտ երկու մետր հեռավորության վրա։ Պահպանվել է այս երկու դամբարանները իրար կապող միջանցքը։ Դամբարանը $7,5 \times 5$ մ չափերով մի սրահ է։ Ստորգետնյա մուտքը՝ դրոմոսը, $2,9 \times 0,9$ մ չափերով, կառուցված է երկու իրար դիմաց սեղադրված քարերով, որոնց մեջ փորված են որմնախորշեր³⁵։

Սրահի բարձրությունը 2 մ է։ Երկայնական պատերի մեջ կան երեք, լայնական պատերի մեջ՝ երկու որմնախորշեր, որոնք տարբերվում են առաջին դամբարանի որմնախորշերից նրանով, որ պատրաստված են սրբատաշ սալերի մեջ, $1,25$ մ բարձրությամբ և 95 սմ խորությամբ։ Խորշերը քարե սալերով բաժանված են երկու «դարակի»։ Վերին դարակում, 15 սմ տրամագծով փոսում, դրվել է ծիսական նշանակության անոթ։

Քարե սալեր, որոնց վրա դրվել են ծիսական անոթներ, գտնվել են Արգիշտիխինիլիում³⁶, Ներքին խնձորում³⁷, Վերջինում դամբարանի սրահներից մեկի ամբողջ հատակին կան փոսեր։ Օշականում դրանց փոխարեն օգտագործվել են փաթեք քարե թասեր՝ սուր հատակով ծիսական անոթների համար³⁸։

Սրահի հարավ-արևելյան անկյունում պահպանվել է դեմքով դեպի արևելք շրջված կնոջ կմախք³⁹։ Քարե սարկոֆագի բացակայության պատճառով կարելի է ենթադրել, որ դագաղը եղել է փայտից (ինչպես առաջինում)։ Առաջին դամբարանի նման այստեղ էլ մուտքը ծածկվել է երկու ուղղահայաց սալերով, որոնցից մեկում $0,5$ մ բարձրության վրա կա $0,25$ մ լայնությամբ «պատուհան», որից կարելի է տեսնել սրահը։ Սրբատաշ քարե սալերով մուտքը կրկնակի փակվել է կոպտատաշ քարերով։

Առաջին և երկրորդ դամբարաններից 16 մ հարավ-արևմուտք պեղվել է վերջին՝ ամենամեծ դամբարանը, $8,5 \times 6,75$ մ չափերով։ Այն բաղկացած է երեք սրահներից։ 1 մ լայնությամբ և $1,25$ մ երկարությամբ միջանցքը տանում է դեպի առաջին դամբանասրահը։ Սրահի կենտրոնում դրված է եղել մեծ բրոնզե կաթսա, որի մեջ գտնվել էին ծավալած բրոնզե գոտի, երկու բրոնզե սկավառակներ, ձիու արձանիկներ, սանձ և ձիասարքի ալլ մասեր։ Սրահում դրված է եղել նաև մեկ փայտե սեղան և երկու աթոռ, որոնց ոտքերին պահպանվել էին արծաթե ծալրակալներ, բրոնզե ու երկաթե զենքեր, մարտակառքի մնացորդներ⁴⁰։

1 մ լայնությամբ մուտքը առաջին սրահը կապում է երկրորդին, որի բոլոր պատերին սրբատաշ քարերի մեջ կան որմնախորշեր։ Երկրորդ սրահում պահպանվել են երկու քարե սարկոֆագ՝ ծածկված առանց հարդարանքի կամ արձանագրության ուռուցիկ կափարիչներով։ Ինչպես տեսնում ենք, ճմինում օգտագործվել են փայտե և քարե սարկոֆագներ։ Քարե սարկոֆագներ հայտնի են Վանից, Ներքին խնձորից, Արգիշտիխինիլից, Վերջինից գտնվածի մեջ տեղադրված են եղել շորս աճյունասափորներ՝ ծածկված քրե-

³⁴ Նույն տեղում։

³⁵ Նույն տեղում, էջ 67։

³⁶ А. А. Мартиросян. Аргистихинили, с. 107.

³⁷ С. А. Вурнеу. Ор. cit., p. 107.

³⁸ С. А. Есаян, А. А. Калантарян. Ошакан I. Ереван, 1988, с. 20.

³⁹ Т. Озгүç. Altınere II, p. 67.

⁴⁰ Նույն տեղում, էջ 68։

դաններով⁴¹։ Բրթնդե սարկոֆագ է գտնվել Զիվիեի պեղումների ժամանակ⁴²։ Հետաքրքիր է Օշականի դամբարաններից մեկը, որտեղ գտնվել է 27 նստած կմախք, որոնցից յուրաքանչյուրի տակ կամ կողքին գտնվել են կավե մեկ սարկոֆագի կտորված բեկորներ⁴³։

Ճմիրնի սարկոֆագներից մեկում կծկված դիրքով, դեմքով դեպի հյուսիս-արևմուտք շրջված տղամարդու կմախք է եղել, երկրորդում՝ նույն դիրքով կնոջ կմախք, տղամարդը 45—50 տարեկան, 175,61 սմ հասակով, կինը՝ 50—55 տարեկան, 153,71 սմ հասակով։ Տղամարդու սարկոֆագի մեջ ոչինչ չի եղել, բայց կողքին գտնվել են ոսկե, արծաթե և բրոնզե կոճակներ, նետասլաքներ, կապարճ, երկաթե վահան։ Կնոջ սարկոֆագի մեջ դրված Թն եղել ոսկե կոճակներ, թանկարժեք հուլունքներ։ Սրահում եղել են նաև կաղնու փայտից պատրաստված և լավ պահպանված երկու սեղան, խեցանոթներ, փղոսկրից չորս տախտակ սրբազան ծառի պատկերով և ճենապակյա անոթ։

Վերջապես, երրորդ, 2,5×4 մ չափերով սրահում պատերից երեքն ունեցել են մեկական որմնախորշ։ Այստեղ գտնվել են մեծ փայտե սեղան՝ շրջապատված չորս անկյուններում առյուծի գլխի քանդակներ ունեցող բրոնզե շրջանակով և ցածր փայտե գահավորակ։

Երրորդ դամբարանի պեղման ժամանակ ժայռերի ճեղքերում գտնվել են ուղղահայաց դրված, երկրի մակերեսից 10—20 սմ խորությամբ աճյունասփորներ՝ բոլորը լցված մոխրով, առանց որևէ նյութի։ Սափորի վրայի միջանցիկ անցքերը ծածկվել են փոքր քարերով։ Բոլոր սափորները մի տիպի են, հաստ վզով, անհարթ շրթով և կլորավուն իրանով։ Իրենց ձևերով նրանք շատ նման են դամբարանում գտնված բրոնզե ու կավե անոթներին⁴⁴։

Ճմիրնի թաղումները հիշեցնում են Իգդիրի, Նոր Արեշի, Լճի թաղումները։ Վերջինում ինը թաղումներից երեքը նժան են Ճմիրնի մեկ սրահանոց դամբարանի թաղմանը, իսկ մնացածը աճյունասփորով դրված են հողում։ Դամբարանի տանիքը երեք մետր երկարությամբ սրբատաշ քարերից է և ստեղծում է կեղծ թաղ։ Կեղծ թաղով դամբարաններ հայտնի են Լճում, Ղուշլիում, Վանում, Բաղնոցում, Արծկեում, երևանյան դամբարանում։ Վերջինս նման է Ճմիրնի մեկ սրահանոց դամբարանին և կառուցված է սրբատաշ կարմիր տուֆից։ Այդպիսի կառուցողական տեխնիկան ավանդական է Հայկական բարձրավանդակի համար և հայտնի է միջին բրոնզի դարերից (մ. թ. ա. XVIII—XVII դդ.)։

Ենթադրաբար նախնիների երկրպագության հետ է կապված բաց ուղրատեղին՝ Ճմիրնի առաջին դամբարանի մոտ։ Դա 11,7×7,75 մ հարթեցված տարածք է, շրջապատված 1,5 մ բարձրությամբ շաղախով իրար միացված քարերից, որոնց վրա կառուցվել են հում աղյուսե պատերը։ Տարածքը սալապատված է մանր անդեզիտով։ 1 մ բարձրությամբ և 0,7 մ լայնությամբ քարե չորս պատվանդաններին դրված են չորս կոթող՝ առանց որևէ արձանագրության։ Երկրորդ պատվանդանի դիմաց գտնվել է 0,5 մ տրամագծով քարից զոհասեղան, որի փորված կենտրոնում կա 0,14 մ տրամագծով անցք։ Կոթողների հետևի պատի մեջ կառուցված է որմնախորշ։ Հավանաբար, այստեղ եկել են աղոթելու, աստվածներին և հանգուցյալների համար զոհեր մատուցելու։ Սակայն զոհի արյունը սրբատեղից դուրս բերելու համար պետք է որ ցամաքուրդային խողովակներ լինեին, իսկ դրանք բացակա-

⁴¹ Ա. Մարտիրոսյան, Բ. թորոսյան. Արգիշտիի թեփեի սարկոֆագը.—«Պատմա-րանասիրական հանգես», 1986, № 3, էջ 221։

⁴² R. D. Barnett. The Treasure of Ziwiyeh. Iraq XVI, 1956, p. 111—116.

⁴³ С. А. Есаян, А. А. Калантарян. Указ. соч., с. 70.

⁴⁴ Т. Özgüç. Altıntop: 11, p. 72.

յում են, Թերևս կարելի է ենթադրել, որ զոհաբերությունը եղել է այլ ձևով, ասենք՝ զինով, զոհաբերություններ կատարվել են նաև որմնախորշում: Այս առումով Ճմինի սրբատեղին որոշ նմանություն ունի էրեբունիի հետ, որտեղ գտնվել են նույնպիսի զոհասեղան⁴⁵ և «սուսի» տաճարի տարածքում կառուցված որմնախորշեր:

Ճմինի պեղումների ժամանակ գտնվել են սակավաթիվ զենքեր, կահույք և բազմաթիվ փղոսկրյա իրեր:

Ձևերից աչքի են ընկնում խողովակաձև կոթառով, կենտրոնական ողջ ընդգծված, ակրեաձև շեղբով նիզակները: Նման նիզակներ հայտնի են Կարմիր բլուրից⁴⁶, Իգդիրից⁴⁷, Նոր Արեշից⁴⁸, Գտնվել են նաև երկաթե և բրոնզե նիստասլաքներ, որոնք ունեն նշաձև և տերևաձև շեղբեր և կարճ պոչուկներ: Այդպիսի նիստասլաքներ հայտնի են Ներքին խնձորից⁴⁹, Իգդիրից⁵⁰, Հայկաբլուրից⁵¹, Եղեղնաձորից⁵², Արդիշտիխիլիից⁵³:

Ձևերի թվին է պատկանում 0,55 մ տրամագծով անզարդ վահանը, որի ներսի կողմից ամրացված են մեկ մեծ բռնակ՝ ափով բռնելու համար և երկու օղակաձև ելուստներ, որոնք միացվում էին գոտիով՝ արմունկին հաղցնելու համար: Այս վահանը իր տեսակում միակն է, քանի որ մյուս ուրարտական վահանները, դրանցից Վանից, Ներքին խնձորից և հատկապես Կարմիր բլուրից, ունեն հայտնաբերվել են քսանից ավելի վահաններ, ունեն լայն, հարթ եզրեր: Նրանց մի մասի վրա պահպանվել է նաև սեպագիր արձանագրություն: Վերոհիշյալները, որպես կանոն, եղել են դեկորատիվ տաճարների և պալատների պատերին կախելու համար, իսկ քննարկվողը հավանաբար մարտական է:

Բացի վահանից գտնվել են զրահի մասեր: Սրանք բրոնզե ուղղանկյուն թիթեղներ են, վերևում կիսակլոր, կենտրոնական մասում ունեն ուռուցիկ գիծ, եզրերին անցքեր՝ կտորին կարելու համար: Ջրահի մասեր կան գտնված Կարմիր բլուրից⁵⁴, սակայն դրանք ունեն հարթ մակերես և երբեմն զարդարված են կետանախշով: Ճմինի զրահները ավելի նման են Հայաստանի ուշ բրոնզեդարյան զրահներին, որոնք հայտնի են Նոր Բայազետից⁵⁵, Այսպիսով, նման զրահները, հանդես գալով դեռևս ուշ բրոնզեդարում, շարունակում են գոյատևել ուրարտական ժամանակաշրջանում և ըստ երևույթին տարածված են եղել բանակում, քանի որ Սարգոն II-ը, խոսելով Ռուսա II-ի բանակի մասին, ասում է, որ. «...չէր վախենում նրա բազմաթիվ զրահակիր զինվորներից...»⁵⁶:

Կապարճը, որը գտնվել է դամբարանում, խողովակաձև է, մոտ 10 սմ լայնությամբ, արտաքին մեկ պահպանված օղակով՝ ուսին կախելու համար:

⁴⁵ Կ. Լ. Оганесян. Указ. соч., с. 56.

⁴⁶ Б. Б. Пиотровский. Кармир блур I, Ереван. 1950, рис. 21.

⁴⁷ Б. А. Куфтин. Урартский колумбарий у подошвы Арарата и куро-аракский энеолит—Вестник Гос. Музея Грузии, XIII В., Тбилиси. 1944, табл. II.

⁴⁸ А. А. Мартиросян. Армения в эпоху бронзы и раннего железа. Ереван, 1964, рис. 93.

⁴⁹ С. А. Бурнеу. Op. cit., pl. XIII, a. ill. 21.

⁵⁰ Б. А. Куфтин. Указ. соч., табл. VII, рис. 1—7.

⁵¹ А. Erzen. Savustepe, s. 39.

⁵² С. А. Есаян, О. С. Хикикян. Находки биайнийских изделий в Ехегнадзорс.—Вестник Ереванского университета, 1990, № 3, табл. 1, рис. 8—9.

⁵³ А. А. Мартirosian. Аргиштихили, рис. 8—96.

⁵⁴ Б. Б. Питровский. Кармир блур III. Ереван, 1955, с. 32, рис. 23.

⁵⁵ С. А. Есаян. Доспех Древней Армении. Ереван, 1986, с. 46, табл. XIV.

⁵⁶ И. М. Дьяконов. Ассирийско-вавилонские источники по истории Урарту.—Вестник древней истории, 1951, № 2—3, с. 235.

Սառարին մասում մնացել են կաշվի հետքեր: Վերին բաց մակերեսը զարդարված է ուռուցիկ հորիզոնական գծերով և զիգզագներով: Այս կապարճը նման է ներքին հնձոր ամրոցից գտնված կապարճներին, որոնք նույնպես են, ունեն ուռուցիկ զարդամոտիվներ և տարբերվում են Կարմիր բլուրի ավելի լայն կապարճներից, որտեղ տեղավորվում են 35—40 նետեր, և որոնք զարդարված են առուծների, մարտականքերի պատկերներով:

Հայտնաբերվել են նաև ձիասարքի մասեր: Դրանցից աչքի է ընկնում շքեղ սանձը, որն ունի երկմասանի լկամ և նրա մասը կազմող զույգ շարժական ելուստներ (պսալիաներ), որոնց ծայրերը զարդարված են ձիու գլխի քանդակներով⁵⁷: Դրանց հետ մեկտեղ գտնվել են երկու կիսակլոր, 10—11 սմ երկարությամբ բրոնզե թիթեղներ, որոնց եզրերին կան անցքեր՝ կաշվին ամրացնելու համար: Այս թիթեղները պաշտպանելու էին ձիու ճակատն ու այտոսկրերը: Նման ավելի փոքր թիթեղները ամրացվում են սաղավարտին՝ մարդու դեմքը պահպանելու համար:

Ձենքերից բացի գտնվել են մի շարք կենցաղային առարկաներ: Դրանց թվին են պատկանում երկու եռոտանի պատվանդաններ: Մեկը կարճ է, ոտքերը ցլի սմբակի ձև ունեն և նրանցից բարձրանում են հինգ դեպի վեր լայնացող ձողեր, որոնք վերին մասում, իրարից շանջատվելու համար, միացված են բրոնզե օղակով⁵⁸: Յուրաքանչյուր ձողի վերին մասում հորիզոնական դիրքով ամրացված օղակ կա, որի վրա ըստ երևույթին դրվել է մետաղե կամ կավե ձիթաճրագ, և պատվանդանը ծառայել է իբրև աշտանակ: Ռ. Բարնետը նշում է, որ դրանց վրա դրվելիս են եղել տեղում գտնված բրոնզե թասերը⁵⁹: Այս դեպքում եռոտանին պետք է ունենար ծիսական նշանակություն: Սակայն մեզ թվում է, որ մեր ենթադրությունը ավելի ճիշտ է, քանի որ Կարմիր բլուրում նույնպես գտնվել է եռոտանի աշտանակ, որի վերին մասում օղակի փոխարեն կա փոքրիկ թասաձև ելուստ, որտեղ հավանաբար լցվել է ձեթը⁶⁰:

Երկրորդ եռոտանու ոտքերը նույնպես ցլի ոտքերի ձև ունեն և յուրաքանչյուրից սուր անկյան տակ բարձրանում են երեքական ձողեր՝ վերելում ամրանալով մեծ օղակի: Եռոտանու բարձրությունը 0,6 մ է, տրամագիծը՝ 0, 58 մ: Եռոտանու մոտ գտնվել է 0,72 մ տրամագծով և 0,51 մ բարձրությամբ բրոնզե կաթսա, ուսերին ամրացված երեք ցլի գլուխներով: Նման բրոնզե կաթսաներ և նրանց կավե նմանակները հայտնի են Կարմիր բլուրի ամրոցից⁶¹ և քաղաքային թաղամասից⁶², Դվինից⁶³, Բաղնոցից⁶⁴ և Երևանի դամբարանից⁶⁵: Անկասկած, այս կավե անոթները բրոնզե կաթսայի նմանակներն են, որոնք հայտնի են Վանից, Ղուշլիից (Ուրմիա), Ալիշարից, Կումայից, Գորդիոնից⁶⁶, ինչպես նաև վերջին ժամանակներում Թուր-

⁵⁷ T. Özgüç. Altintepe Kazıları—Excavations at Altintepe—Altintepe'de Urartu mimarlık eserleri.—Relevé 2^e (58), 1961, s. 257, res. 17.

⁵⁸ R. D. Barnett and Gökçe. Op. cit., p. 125, III, 1.

⁵⁹ Նույն տեղում:

⁶⁰ Б. Б. Пиотровский. Кармир блур I, с. 69, рис. 42.

⁶¹ Նույն տեղում, էջ 70, նկ. 43:

⁶² А. А. Мартиросян. Армения в эпоху бронзы и раннего железа, с. 171, рис. 72 (1,2).

⁶³ К. Х. Кушнарева. Древнейшие памятники Двина. Ереван, 1977, с. 23, рис. 23.

⁶⁴ Louis Vanden Berghe et Leon de Meyer. Urartu. 1963, III, 194.

⁶⁵ Այուրբերը հանձնված են հրատարակության:

⁶⁶ Б. Б. Пиотровский. Искусство Урарту, рис. 28—30, 32.

քիայում կատարված թալանչիական պեղումներից, որոնց նյութերի մի մասը ընկել է նվաճող և ճապոնիա⁶⁷:

Դամբարաններից մեկում գտնվել են երեք մետաղե գնդաձև կաթսաներ, որոնց ուսերին ափսոսանք կան. կաթսաները ծառայել են իբրև աճյունասփռաներ: Նման աճյունասփռաներ հայտնի են էրևանից, Արգիշադի-խինիից, Նուրագավթից, Պարսկահայքից, Իգդիրից, Արծկեից, Լճից, Դի-դիլիից, Նրեանյան դամբարանից և այլ վայրերից: Հետաքրքիր է, որ վրայի ափսոսանքները, ըստ Բ. Ա. Կուֆախի⁶⁸, արվում էին նրա համար, որ դիակիզումից հետո հոգիները դուրս դան անոթից: Անցքերը բացվել են անոթի թրծելուց հետո, որը վկայում է, որ դրանք պատրաստվել են ոչ որպես հատուկ աճյունասփռ, այլ որպես կենցաղային իրեր:

Դամբարանում գտնվել են կահույքի բազմաթիվ մասեր, սեղանի և աթոռի ոտքերի արծաթե և բրոնզե ծայրակալներ՝ առյուծի ու ցլի ոտքերի տեսքով: Եւ աթոռի շերտաձողերը վարդարող վարդակներ: Նրոնք դամբարանում գտնվել է քառակող սեղանի մետաղե շրջանակ, որի շրջա սեղաններում տեղադրված են եղել առյուծի գլխի տեսքով քանդակներ: Բրոնզե սեղան է գտնվել տաճարի սյունաշարի տարածքում: Հետաքրքիր է, որ սեղանն ունի երեք ոտք, որը մինչև այժմ չի հանդիպել ուրարտական նյութերում: Կլոր սեղանների պատկերներ կան Ագանայի թանգարանում պահվող դոտիներից մեկի վրա⁶⁹:

Ճմինի ամրոցում և դամբարաններում գտնված նյութը սրանով չի սահմանափակվում: Ինչպես նշում է Բ. Պիոտրովսկին, Թ. Օզգյուշի բանավոր հայտարարության համաձայն գտնվել են մի քանի բրոնզե դոտիներ՝ սաղավարտավոր և նիզակակիր հեծյալների, առյուծի, ցուլի, կենտավրոսների պատկերներով⁷⁰:

Ուրարտական արվեստի լավագույն նմուշներից են Ճմինում գտնված փղոսկրե իրերը, որոնք հայտնաբերվել են տաճարի սյունաշարի տարածքում և դամբարաններում: Փղոսկրի օգտագործումը լայն տարածում է ունեցել Հին Արևելքի երկրներում: Հյուսիսային Սիրիան փղոսկրե իրերի արտադրության կենտրոններից մեկն էր և ոչ միայն արտահանում էր հումք ու պատրաստի արտադրանք, այլև այդ բնագավառում իր ազդեցության ուժով տնտեսում էր պահում հարևան երկրները, որոնց թվում նաև Ուրարտուն⁷¹: Թոփրակ կալեում⁷² և Կարմիր բլուրում⁷³ պեղումների ժամանակ գտնվեցին մեծ քանակությամբ և վարպետորեն պատրաստված փղոսկրե իրեր (մաքդկա-յին իրան, դեմք, առյուծի փոքր քանդակ, ասեղանների արձանիկներ, կահույքի մասեր կազմող իրերի բեկորներ և այլն): Հիշատակենք նաև, որ մեծ քանակությամբ փղոսկրե իրեր են առաքվել Սարգոն II-ի կողմից Մուսասիրի գրավման ժամանակ:

Վանում, Ճմինում և Կարմիր բլուրում գտնված փղոսկրյա իրերը, ինչպես նաև ռոգազորոված փղոսկրի առկայությունը Ճմինում վկայում են,

⁶⁷ K. Tanabe, A. Hori, T. Hayashi, S. Miyashita, K. Ishida. Studies in the urartian bronze objects from Japanese Collection (I).—Bulletin of the ancient orient museum, vol. IV, Tokyo, 1962 p. 76, pl. 64.

⁶⁸ Б. А. Куфтян. Указ. соч, с. 70.

⁶⁹ О. А. Тасуляк. The Urartian Belt in the Adana Region. Museum. Ankara 1975, III 4.

⁷⁰ Б. Б. Пиотровский. Искусство Урарту, с. 75, рис. 4.

⁷¹ Т. Özgüç. Altınlepe II, p. 85.

⁷² R. D. Barnett. The Excavations of the British Museum at Toprak Kale near Van, pl. X, 4.

⁷³ Б. Б. Пиотровский. Искусство Урарту, с. 90.

որ փղոսկրը լայն տարածում է ունեցել ուրարտական արվեստում և փղոսկրյա իրերը պատրաստվել են տեղի արհեստանոցներում:

Ճմինում գտնված արծվագլուխ թևավոր աստվածներից երկուսը տեղադրված են ուղղանկյուն հիմքի վրա: Մի ձեռքում նրանք պահում են պտուղ, մյուսում՝ ծաղկեփունջ: Նրանց գլուխները, հադուստը տրված են բոլոր մանրամասներով: Սրանք և գտնված երրորդ թևավոր աստվածը Զիվիեից⁷⁴ և Նիմրուդից⁷⁵ հայտնաբերված արծվագլուխ աստվածների զուգահեռներն են:

Լավ են պահպանվել առյուծների փոքր քանդակները, որոնք գտնվել են տաճարի սյունաշարի տարածքում: 10 սմ բարձրությամբ և 4,5 սմ լայնությամբ ունեցող, նստած դիրքով քանդակված առյուծի դեմքը, բաշը, իրանը տրված են մանրամասներով: Արձանիկի ներքևի մասում կա ուղղանկյուն բացվածք, որով նա միանում էր այլ իրերի: Գտնված մյուս երկու առյուծները ամրացված են եղել հռոտանուն: Նրանցից մեկը, որ ունի 29,5 սմ երկարությամբ և 18 սմ բարձրությամբ, Մերձավոր Արևելքի մեզ հայտնի առյուծի ամենամեծ քանդակն է և շատ նման է Ներքին խնձորի⁷⁶ և Ազնավուր թեփեի⁷⁷ բրոնզե առյուծներին:

Նղջերուի փորագիր քանդակը (3,8 սմ լայնքով և 5 սմ բարձրությամբ) բոլոր կողմերից, նաև իրանի և վզի վրա, ունի անցքեր, որոնք դրվագազարդված են եղել ոսկով ու թանկարժեք քարերով: Հետաքրքիր է կամարաձև դարպասով աշտարակի մանրակերտը, որն իր փայտե և ոսկե զուգահեռներն ունի Ճմինի առաջին դամբարանում և Կարմիր բլուրում:

Դամբարաններում հայտնաբերվել են մեծ մասամբ կահույքի փղոսկրյա դրվագազարդ մասեր, արձանիկների առանձին բեկորներ, կենաց ծառի մի քանի փորագիր նմուշներ:

Ճմինի նյութական մշակույթի մեջ կարևոր տեղ են գրավում խեցեղեն իրերը և մասնավորապես կարասները, որոնք եղել են ամրոցի երկու պահեստային սենյակներում: Դրանք մանրամասն նկարագրված չեն, սակայն ընդհանուր տեսարանների նկարներից և գրքում պատկերված կարասի միակ գծագրից պարզ երևում է, որ դրանց մի մասն ունի ձգված իրան՝ վերին մասը զարդարված երկու զուգահեռ հարթ գոտիներով, որով նրանք տարբերվում են էրեբունիի, Կարմիր բլուրի, Արդիշտիխինիլի կարասներից, որոնք զարդարված են սեղմվածքներով: Ճմինի կարասների նմանակները, նույն հարդարանքով, հայտնի են Ներքին խնձորից, Թոփրակ կալեից, Զերնակի թեփեից: Այդպիսի հարդարանք կա նաև Այգեվանի մ. թ. ա. IX—VIII դդ. սև փայլեցված մեծ կարասի վրա:

Նյութերի մեջ աչքի է ընկնում սնամեջ ոտքով գավաթը: Նման գավաթներ մեծ թվով հայտնի են էրեբունիից, Արդիշտիխինիլից, Ներքին խնձորից և այլ հուշարձաններից: Այս գավաթները լինում են երկու տեսակ: Առաջինը պատերին ունի անցքեր և օգտագործվում է կարասները ծծմբով ախտազերծելու համար, իսկ երկրորդ տեսակին պատկանողները շքեղ գավաթներ են, լավ փայլեցված մակերեսով, և ունեն ծիսական նշանակություն: Ճմինի գավաթները երկրորդ տեսակից են: Դրանցից մեկն ունի հարթ մակերես, իսկ երկրորդը՝ զարդարված է բոլորապատույտ նախշով, թեք գծերով ու շրջանակներով: Դժվար է ստույգ ենթադրություններ անել, բայց մեզ թվում է, որ նախշերը ոչ թե ներճկված են, այլ արված են գուններով:

⁷⁴ Andre Godard. Le Tresor de Ziwiyé. Haarlem. 1950, p. 36, pl. 25, p. 45, III. 30.

⁷⁵ M. E. L. Mallowan. Nimrud and its Remains II. Aberteen, 1966, p. 594, № 575.

⁷⁶ C. A. Burney. Op. cit., pl. X, a, b.

⁷⁷ R. D. Barnett. A catalogue of the Nimrud Ivories. London, 1957, p. 22, pl. CXXX, CXXXI.

Եթե մեր այս ենթադրությունը ճիշտ է, ապա այս գավաթը լրացնում է ուրարտական սակավաթիվ գունազարդ անոթների շարքը, հայտնի Կարմիր բլուրից (ճաքավոր կոշիկն ու «ասկոս» տիպի անոթը), Օշականից (սափոր)։

Կարասներից ու գավաթներից բացի գտնվել են թասերի և քրեղանների բեկորներ, որոնք ունեն ներձկված, ուռուցիկ, դուրս ճկված շրթեր ու տափակ կամ կլորավուն իրաններ։

Նշված նյութերը թույլ են տալիս պարզաբանել ամրոցի թվագրությունը։ Նյութի մի մասը, հատկապես խեցեղենը, լայնորեն հանդիպում է մ. թ. ա. VII դարի հուշարձաններում՝ Ճմինի ամրոցի գոյատևման վերին սահմանում։ Հուշարձանի հիմնադրման ժամկետը դժվար է հաստատել։ Թ. Օդգյուլը, շինարարական տեխնիկայից ե նյութերից ելնելով, թվագրում է ամրոցը մ. թ. ա. VIII դարի II կես—VII դարով։ Որմանակարների ուսումնասիրությունը վկայում է, որ հուշարձանը հիմնադրվել է մ. թ. ա. VIII դարի սկզբին կամ առաջին կեսին։ Էրեբունիի և Ճմինի որմանակարները, բացի մասնակի տարբերություններից, ոճապես նույնն են, բայց տարբերվում են Կարմիր բլուրի ավելի ուշ կառուցված ամրոցի որմանակարներից։ Ինչ վերաբերում է ճարտարապետությանը, ապա Ճմինի տաճարը նման է Հայկաբերդի տաճարին, որն ինչպես հայտնի է արձանագրությունից, կառուցվել է Սարգսրի II-ի օրոք (մ. թ. ա. 760—730 թթ.)։ Ամենայն հավանականությամբ Աթին թեփեն կառուցվել է Արգիշտի I-ի կառավարման վերջում կամ Սարգսրի II-ի կառավարման առաջին տարիներին, որովհետև նրա կառավարման երկրորդ կեսն արդեն բնորոշվում է Ասորեստանի հզորացմամբ և դեպի Ուրարտու կատարված մի շարք արշավանքներով։ Հատկապես Թիգլաթպալասարի գահակալության օրոք պաշարվում է անգամ Ուրարտուի մայրաքաղաք Տուշպան։ Թիգլաթպալասարը հայանում է, որ իր պատկերը տեղագրել է քաղաքի դարպասի դիմաց։ Ռուսա I-ի օրոք, շնայած ժամանակավոր հաջողությանը, Սարգսն II-ը մ. թ. ա. 714 թ. նորից արշավում է Ուրարտու և անգամ գրավում նրա հոգևոր կենտրոնը՝ Մուսասիրը։ Դժվար է ենթադրել, որ այդպիսի քաղաքական իրավիճակում, երբ ուրարտական թագավորների ուշադրությունը կենտրոնացված էր Ասորեստանի և կիմմերների կողմից սպառնացող վտանգի վրա, կառուցվեին Ճմինի նման հզոր ամրոցներ։ Ամենայն հավանականությամբ այս ամրոցը կառուցվել է մ. թ. ա. VIII դարի առաջին կեսին և կործանվել մոտավորապես մ. թ. ա. 590-ական թթ.։

РАСКОПКИ ДЖИМИНА (АЛТИН ТЕПЕ)

(Урартские памятники Западной Армении)

Доктор ист. наук С. А. ЕСАЯН, Л. В. АБАДЖЯН

Резюме

Джимин (Алтин тепе) — одна из наиболее хорошо сохранившихся крепостей у западной границы Урарту — расположена на верхней части 60 м холма, в 4 км от села Джимин, по имени которого мы считаем целесообразным назвать этот памятник. После нескольких случайных находок в 30-ых годах экспедиционная группа, возглавляемая археологом Т. Озгючю, начала систематические раскопки. В основу настоящей статьи легли материалы Т. Озгюча, опубликованные автором и другими зарубежными исследователями. Эти материалы впервые публикуются на армянском языке. Во время раскопок крепости были найдены редкая по толщине 12 м крепостная стена, храмово-дворцовый комплекс, складские помещения и три гробницы с богатым и хорошо сохранившимся материалом. Архитектурные черты строений, а также археологический материал позволяют датировать крепость началом VIII в. до н. э. Крепость погибла в VI в. до н. э. от землетрясения.